

四庫全書存目叢書編纂委員會編

齊魯書社

四庫全書存目叢書

子部
第七七冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

4309/07

四庫全書存目叢書·子部七七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49.375 印張

1995 年 9 月第 1 版 1995 年 9 月第 1 次印刷

印數 1→100

ISBN 7-5333-0478-0

Z·27 子部定價：78300 圓

子部第七七冊目次

子部・譜錄類

銅劔讚一卷

〔梁〕江淹撰
天津圖書館藏明萬曆刻祕冊彙函本

一

蟪衣生劔記一卷

〔明〕郭子章撰
山西省祁縣圖書館藏明萬曆繡水沈氏刻寶顏堂祕笈本

六

劔筴二十七卷

〔明〕錢希言撰
山西省祁縣圖書館藏明陳訐謨翠幄草堂刻本

三二

考古圖十卷

〔宋〕呂大臨撰
華東師範大學圖書館藏明初刻本

六一四

紹興內府古器評二卷

〔宋〕張掄撰
北京圖書館藏明鈔本

七五一

焦山古鼎考一卷

〔清〕王士禛撰
中央民族大學圖書館藏清康熙刻昭代叢書本

七七七

銅劍讚一卷

〔梁〕江淹撰

天津圖書館藏明萬曆刻祕冊彙函本

附《四庫全書總目·銅劍讚一

卷》提要

銅劍讚一卷

梁江淹撰 明沈士龍胡震亨同校

永明初始造舊官鑿東北之地皆平岡迤隴尤多古冢墓有人得銅劍長尺五寸余既借看歎其古異客有謂余曰古時乃以銅爲兵乎其可得而聞不余笑而應曰此證據甚多殆不俟言卿既欲知輒具言之余按山海經曰昆吾之山其上多赤銅郭璞注曰此山出金如火以之切玉如割泥也周穆王時西戎獻之尸子所謂昆吾之劍也越絕書曰赤堽之山破而出錫若邪之谿涸而出銅歐冶鑄以爲純鉤之劍又汲冢中得一銅劍長三尺五及今所記于將者亦皆非鐵明古者以銅錫爲兵器也周書稱穆王時征犬戎得昆吾之劍火浣布長尺有咫又有鍊銅赤刀割玉如泥焉又左傳僖公十八年鄭伯始朝于楚楚賜之金旣而悔之盟曰無以鑄兵故以鑄三鍾杜預注云楚金利故也古者以銅爲兵故禹貢云荊揚貢金三品余以爲古者語

質而難解

文而易了獨詩云元龜象齒

其實象牙也書云厥包橘柚乃黃枏也金品上則黃中則赤下則黑黑金是鐵赤金是銅黃金是金黃金可爲寶赤金可爲兵黑金可爲器韓子稱昔智伯繇之伐趙襄子初晉陽襄子金將盡問於張孟談孟談對曰吾聞董安于治晉陽也公室悉以銅爲柱質君可發而用之於是發之有餘金矣謂此據蓋可知焉又昔夏后氏使九牧貢金鑄九鼎於荆山之下于昆吾氏之墟

大銅鑄

三十

白若耳撓之地圖其山川奇怪以形于鼎使民知神姦不逢其害以定其祥鼎成三足而方不炊而自沸不昇而自藏不遷而自行九鼎既成定之國都桀有昏德鼎遷於商殷紂暴虐鼎遷於周每人主休明鼎雖小而重其姦回昏亂雖大而輕及周顯王三十二年姬德大衰乃淪入泗水秦始皇之初見于彭城二十七年始皇東遊大發徒出之而不能得焉後漢武帝賓禮百神于汾陰得大鼎時人以爲九鼎其詳不可得

而審也且荆軻刺秦王之日七首擊銅柱銅柱

火出則古者非直以銅爲七首亦以爲殿柱也且始皇之世長狄十二見於臨洮身長三丈足跡六尺於是始皇歛天下之兵鑄而象之故西京賦云高門有閼列坐金狄是也又造阿房之宮其門悉用鉉石鉉石猶鐵以防外兵之入焉以此推之明知春秋迄于戰國戰國至于秦時攻爭紛亂兵革互興銅既不充給故以鐵足之鑄銅既難求鐵甚易是故銅兵轉少鐵兵轉多

大銅鑄

三十

年甚一年歲甚一歲漸淅流遷遂成風俗所以鐵工比肩而銅工稍絕二漢之世逾見其微及漢建安二十四年魏文帝爲太子時鑄三寶刀二匕首天下百鍊之精利而悉是鑄鐵不能復鑄銅矣按張華博物志亦稱鑄銅之工不復可得唯蜀地羌中時有解者由此言之斯妙久絕余謂不復能鑄銅者正當不能使利如霜雪光如雲霞陸斬犀兕水斷蛟龍豈復不能鑄銅鑄銳燈耶然今太極殿前兩大銅鏡即周景王鑄

也製作精巧獨絕晚世今之作必不及古猶今
鏡不及古鏡今鐘不及古鐘矣昔余爲吳興令
鑿池又獲銅箭鏑數十枚時有人復於彼山中
伐木得銅斧一口古銅鑄爲兵豈爲一據故備
言其詳以發子之蒙矣古貴銅賤鐵非獨此事
按皇覽帝王冢墓記稱吳王闔閭冢銅槨三重
永池六尺玉鳧之流扁諸之劍三盤郢魚腸之
劍在焉秦始皇冢亦以銅槨水銀爲江河關東
賊發之至銅槨而取銅深大不可多得因此穴

木槨銅槨

四

塞漢東思王家時奢侈皆生葬取愛幸奴婢蓄
穀爲銅窻以通殉葬者氣息兼以水火守冢給
呼召數十年乃不復聞聲矣晚世之葬無復此
例然猶自大奢大富大盛或傾一國之財或竭
一家之寶或爭爲宏麗或競相高尚前漢奢于
後漢魏時富于晉世中原既夷至於江左時天
下凋喪制度日衰富貴之家猶或厚葬然論古
論曩亦減損千萬倍矣世愈貧狹哀禮愈薄又
往古之事棺皆不用釘悉用細腰其細腰之法

長七寸廣三寸厚二寸五分狀如木秤兩頭大
而中央小仍鑿棺際而安之因普漆其外一棺
凡用細腰五十四枚大略如此亦可謂至巧矣
其法既絕亦有銅釘銅釘之體皆如今柩釘形
也銅釘既滑多被發掘自義熙以來乃以柩代
銅爰及明器之屬亦多減省必不得已乃用烏
牙焉相與皆用素棺不得施漆及自棺之外一
無所設既由貧富之懸兼以避患之及耳故爲
此讚以明古今銅鐵之兵刃葬送之事焉乃成

木槨銅槨

五

讚曰

悠悠開闢或聖或賢蚩尤鑄銅爲兵幾年天生
五才實此爲先既古既曩誰測誰傳紛綸百代
事無不異况迺金鐵國之利器風胡專精歐冶
妙思於昔則出於今則秘聞之釋經萬物澹薄
在古必厚在今必惡徒侈徒異徒錐徒削聊舉
一槩以明鴻略

銅釘讚一卷

終

陳留青雲寺伯宇記

題銅劍讚後

銅劍讚當是偶答人問次以成篇故視江集諸文稍質耳然援據古人以銅爲兵事上下子史足稱該洽但不能無一二脫漏若啓子少康鑄一銅劍上有八面長三尺一寸秦始皇帝採北祗山銅鑄爲二劍銘曰定秦傳咸奏事曰尚書舊奏給介士二百人人給大銅刀一枚南越志龍川有營澗嘗有銅弩牙流出皆以銀黃雕鏤博物志交州山夷名曰俚子弓長數尺箭長尺餘以燠銅爲鏑數事皆在文通以前置不引及乃疏記於此證之淵學非敢與文通鬪博也沈士龍識

或疑銅劍讚不類文通誠出文通亦才盡時筆也按序云永明初始造舊宮云云因檢齊書於永明元年春爲築青溪舊宮正與序合更考江傳沒于天監四年壽六十二則永明元年纔三十有人初遷驍騎將軍掌國史非才盡時也但此讀意在質訂無事英豔使今人作此應答便

有許許餒餒矣又序稱漢陳思王冢特奢侈此非曹植乃漢明帝子陳敬王羨子均也均性隱賊多行不法卒謚思墓在陳州南河南志注云魏曹植卒葬此殊不知植徙封東阿時嘗登魚山曹然有終焉之志遂塋爲墓今在東阿縣魚山西麓誠不分植以遺令薄葬均以厚葬而均墓亦得與植墓兩存至今乃知賢豪死名猶得借人不朽如此胡震亨識

銅劍讀一卷

浙江范懋柱家天一閣藏本

梁江淹撰淹字文通濟陽考城人官至散騎常侍
左衛將軍封醴陵侯謚曰憲事蹟具梁書本傳齊
永明中掘地得古銅劍淹因詮次劍事考古人鑄
兵用銅後世鑄兵用鐵之原委以爲之讀雖文止
一篇然宋史藝文志文獻通考皆著於錄故今亦
附存其目焉

蟪衣生劍記一卷

〔明〕郭子章撰

山西省祁縣圖書館藏明萬曆繡水沈氏刻

寶顏堂祕笈本

附《四庫全書總目·蟪衣生劍

記一卷》提要

蟪衣生劍記

泰和郭子章

繡水沈平先校

陳詩教

說劍

古有刀劍錄載古今名劍未免脫漏陳搜其所
未備者合爲上下篇上篇皆據劍之寔者紀之
下篇皆紀其寓言如莊生所謂天子劍諸侯劍
劍記

之類是也

說劍上

畫影騰空

王子年拾遺記顓頊高陽氏有畫影騰空二劍
若四方有兵此劍則飛赴指其方則克未用時
在匣中常如龍虎嘯吟

葛盧

晉子葛盧之山出金蚩尤制爲劍鎧矛戟

禹劒

刀劒錄夏禹字高密以庚戌八年鑄一劒長三尺九寸後藏之會稽秦望山腹上刻二十八宿文有背面面記星辰背記山水日月

指日

淮南子虞公與夏戰日欲落公以劒指之日退不落

少康

刀劒錄少康辛卯三年春鑄一銅劒上有八方面長三尺一寸頭方

牛頭山鐵

刀劒錄孔甲甲辰歲採牛頭山鐵鑄一劒長四尺一寸

含光承影宵練

列子曰魏黑卯以匿嫌殺丘邴章也邴章之子來丹謀復父仇而丹氣甚猛形甚露又恥假力

於人誓以手劒黑卯而黑卯力撫百人其視來

丹猶雛鷂也來丹謀於友申抱申抱曰吾聞衛孔周其祖得殷三寶劒三僅子服之却三軍之衆奚不請爲來丹適衛見孔周執僕禮請先納妻子後言所欲周曰吾有三劒惟子所擇一曰含光視不可見運之不知其所觸民然無際經物而物不覺二曰承影昧爽之交日夕昏明之際北面察之淡淡焉若有物存莫有其狀其觸

劍記

三

物也竊然有聲經物而物不見三曰宵練晝則見影而不見光夜則見光而不見形其觸物聽然而過隨過隨合覺疾而不血刃此三寶傳三十三世矣而無施於事來丹請其下者孔周乃歸其妻跪而授其下劒丹再拜受之執劒從黑卯黑卯醉偃臥牖下自頸至腰三斬黑卯黑卯醒怒其妻曰醉而覆我使我噬疾而腰急注匿嫌私恨也露羸也躊躇音休伯反無施於事不能

害物也

越漚利

商書越漚請令利劒爲獻

定光

刀劒錄太甲以甲子歲鑄一劒文曰定光

照膽

刀劒錄武丁以戊子歲鑄一劒名曰照膽

伐鬼方

劒記

四

三輔皇圖漢太上皇微時佩一劒長三尺上有銘字難識傳云殷高宗伐鬼方所作也

武王

大戴禮踐阼篇武王劒銘曰帶之以爲服動必行德

周桃氏

考工記桃氏爲劒臘廣二寸有半寸兩從半之以其臘廣爲之莖圍長倍之身長五其莖長重

九鏑謂之止制止士服之身長四其莖長重七

鏑謂之中制中士服之身長三其莖長重五鏑

謂之下制下士服之因人之材力強弱列爲三

等人各以形貌大小帶之注劒以止暴桃以辟

不祥類相似也故以桃氏爲劒上制長三尺中

制長二尺五寸下制謂今之匕首也長二尺士

謂勇力之士樂記所謂虎賁之士說劒

虞叔

劒記

五

左傳虞叔有玉虞公求獻之公又求其實劒叔曰是無厭也無厭將及我遂伐虞公

周王

刀劒錄周昭王瑕鑄五劒以投五嶽

昆吾切玉

列子周穆王得昆吾劒切玉如泥河圖曰瀛洲多積石名昆吾可爲劒尸子曰昆吾之劒可切玉龍魚河圖曰瓜洲在西海中上有昆吾石其

石爲鐵作劍光明四照梁吳均寶劍詩曰我有一寶劍出自昆吾溪照人如照水切玉如切泥

王子喬飛天

世說王子喬墓在金陵戰國時人有盜發之者都無所見惟有一劍停在空中欲進取之劍作龍吟虎吼飛上天

弄

列子曰蘭子以技于宋君弄七劍迭而躍之五

劍記

本

劍常在空中立賜以金帛

斬龍

翰墨全書澹臺滅明齊壁渡江乃拔劍斬龍

于越

莊子刻意篇夫有于越之劍者匣而藏之不飲用寶之至也注于溪越山出名劍呂氏春秋荆茲非得寶劍於于越

葱闕錄于將莫邪鉅闕辟閭

齊桓公之葱太公之闕文王之錄莊君之辟閭閭之于將莫邪鉅闕此皆古之良劍也注齊桓公齊太公周文王楚莊王之劍名皆未詳所出葱青色也錄與綠同三劍以色爲名曹植七啓說劍云雕以翠錄亦其類也葱劍光采恍惚難視以形爲名也闕未詳或曰劍至利則喜闕因以爲名吳越春秋于將作劍未成乃曰昔吾師之作冶也金鐵之穎不消夫妻俱入冶爐之中莫邪曰先師親身鑠以成物妾何難也於是于將夫妻斷髮剪爪投之爐中使童女童男三百人鼓橐裝炭金鐵乃濡遂以成劍陽曰于將而作龜文陰曰莫邪而作綬理世語于將吳人莫邪于將之妻也楚王夫人嘗於夏納涼而抱鐵柱心有所感遂懷孕產一鐵楚王命莫邪鑄爲雙劍三年乃成一雌一雄莫邪留雄以雌進楚王劍在匣中嘗自悲鳴王問羣臣對曰劍

劍記

七

有雌雄鳴者雌憶其雄王怒收莫邪殺之又吳越春秋曰干將作劍採五山之鐵精合六合之金英候天伺地陰陽同光子虛賦建干將之雄戟注干將王帥劍也王褒頌及至巧冶鑄干將之模清水淬其鋒越砥歛其鋸水斷蛟龍陸射犀革忽若箠紀塵塗新序云辟閭鉅闕天下之良劍也或曰辟閭即湛盧也言湛然如水而黑色

劍記

孟勞

八

博物志魯寶劍名穀梁傳公子友謂莒罕曰吾二人不相說士卒何罪屏左右而相博左右圍孟勞公子友以殺之

齊王

一繞志齊王有寶劍磨于長興晏子鄉其水微赤似鐵汁美金

國語曰齊桓公問管仲曰齊國寡甲兵奈何對曰小罪謫以金美金以鐵劍戟試諸狗馬惡金以鐵鋤夷試諸土壤甲兵大足

龍淵太阿工市

越絕書楚王作三劍曰龍淵太阿工市晉鄭求之不得興師圍楚三年不解楚王引太阿之劍登城麾之三軍破敗士卒迷惑流血千里猛獸歐膽江水折揚晉鄭之頭盡白又云楚王使風劍記

九

胡子求干將歐冶子作劍三枚二人鑿其山洩其濞取鐵文選張協七命曰楚之陽劍歐冶所營邪溪之銚赤山之精乃鍊乃鑠萬辟千灌豐隆奮椎飛廉崩炭張太阿劍銘曰太阿之劍世載其美淬以清波歛以越砥

季札

史記吳季札聘魯過徐徐君好札劍口不敢言札心知之爲使上國未獻還至徐徐君時已死

劍掛徐君墓上而曰始吾以心許之豈以死背吾心哉

吳鉤

吳越春秋吳王闔閭令國中作金鉤曰善者賞百金有人殺其二子以血釁金成二鉤以獻向鈞呼二子之名曰吳鴻扈稽我在於此兩鉤俱飛着父胸乃賞百金遂服而不離身杜詩少年別有贈含笑看吳鉤

劍記

鐵膽

拾遺記昆吾山有獸如兔食銅鐵吳國武庫中兵刃皆盡忽見雙兔殺之有鐵膽腎方知兵刃爲兔所食乃鑄鐵膽爲二

北斗

撮書伍胥奔吳追者在後至江上有一漁父乘船知伍胥之急乃渡之胥既渡解劍直百金與父父曰楚國之法得伍胥者爵執珪豈徒百金

劍耶不受一笑刺船而去吳越春秋伍子胥過解劍與漁父曰此劍中有北斗七星文其直百金

屬鏤

左傳吳將伐齊越子率其衆以朝吳人皆喜唯子胥懼曰是豢吳也王怒使賜之屬鏤以死注屬鏤劍也古賦斷跡屬鏤

奄日斷水轉魄驚蜺懸剪滅魂却邪真剛

劍記

十二

拾遺記越王勾踐以白牛白馬祝昆吾山神以成人劍應八方之氣一曰奄日以之指日日光晝暗二曰斷水畫水開卽不合三曰轉魄指月蟾兔爲之倒轉四曰懸剪飛鳥觸其刃如斬截焉五曰驚蜺以之沈海鯨鯢深入六曰滅魂挾以夜行不遇魑魅七曰却邪妖魅見之則止八曰真剛切玉斷金如切土水

純鈎湛盧毫曹魚腸鉅闕

吳越春秋越王允常聘歐冶子作名劍五枚一曰純鈎二曰湛盧三曰豪曹四曰魚腸五曰鉅闕王以豪曹示薛燭燭曰夫寶劍五色並見豪曹黯無華頌其光芒其神亡矣示之巨闕薛燭曰非寶劍也夫寶劍金錫和同氣如雲烟今見其光已離矣示之魚腸燭曰金精從理至本不逆魚腸倒本從末逆理之劍也示之純鈎燭矍然曰光乎如屈陽之華沈沈如芙蓉始生於湖

劍記

主

其文如列星之行其光如水之溢塘此純鈎也王曰客有以鄉三十駿馬千匹萬戶之都二價此劍可乎燭曰不可臣聞初造此劍赤堇之山破而出錫若耶之溪涸而出銅雨師灑道雷公發鼓天帝裝炭太乙下觀示之湛盧燭曰善哉合金鐵之英吐銀錫之精可以折衝伐敵人君有逆謀則去之他國允常以湛盧獻吳吳公平弑王僚湛盧去如楚昭王寤而得之召風胡

之此劍直幾何對曰赤堇之山已合若耶之溪深而不測羣神上天歐冶已死雖傾城量金珠玉滿河不借一觀况駿馬萬戶之都乎越絕書闔閭無道湛盧之劍去之入水行湊楚秦王求之卒不與也客志闔中有山名湛盧疑此山之鐵鑄劍以爲名也張景陽七命曰或馳名傾秦或夜飛去吳又越絕書闔閭冢塋以磐郢魚腸之劍塋之日白虎居上號曰虎丘

劍記

主

白猿

劍俠傳越王問范蠡手劍之術蠡曰臣聞趙有處女國人稱之王乃請女道逢老人自稱袁公問女曰聞女善爲劍願得一觀之女曰惟公所試公挽林竹刺女女因杖擊之公飛上樹化爲白猿李白少年場行少年學劍術凌轢白猿公

步光

史記子貢傳越使大夫種言於吳王曰奉先人

藏器甲二十領鐵屈盧之矛步光之劍以賀軍
吏吳王大說越王送子貢金百鎰劍一良矛二
子貢不受越絕書越王被棠夷之甲步光之劍
以見孔子曹子建七啓步光之劍華藻繁縟

莒子

左傳曰莒子庚輿虐而好劍苟鑄劍必試諸人
大夫烏存帥國人以逐之

秦昆吾

劍記

苗

孔叢子曰秦王得西戎利刀割玉如割木以示
東方諸國魏王問子順曰古有之乎對曰周穆
王征西戎西戎獻昆吾之劍長尺有咫鍊鋼赤
刀用之切玉如切泥是則古亦有之也列子湯
問釋文昆吾龍劍也

水心

玉海秦昭王以三月置酒河曲見金人奉水心
之劍曰令君制有西夏乃霸諸侯因此立爲水

楚

史記秦昭王臨朝歎息范雎請罪王曰吾聞楚
之鐵劍利而倡優拙鐵劍利則士勇倡優拙則
慮遠以遠慮御勇士恐楚之圖秦也

鹿盧

史記荆軻左把秦王之袖右提其胸王乞聽琴
死召姬人鼓琴琴聲曰羅縠單衣可裂而絕八
尺屏風可超而越鹿盧之劍可負而拔王奮袖
而去

劍記

十五

棠谿墨陽合購鄧師宛馮龍淵太阿莫邪
干將

史記蘓秦曰韓卒之劍戟皆出於冥山棠谿墨
陽合購鄧師宛馮龍淵太阿皆陸斷牛馬水截
鵠索隱天下之寶劍韓爲衆人白莫邪尤曰干
將其劍皆出西平縣今有鐵官

刺劍